

Tunisassianik ineriartortitsinermut, ingerlatanut avammut tuniniaanissamik siuarsaasunut, kalaallit nerisassiaannik atuinermik siuarsaasunut aamma inuussutissarsiutigalugu siunnersortinit ikiorneqarnissamut (kittaartagaq) tapersiissuteqartarneq pillugu Namminersorlutik Oqartussat nalunaarutaat

Nunami inuussutissarsiutinut tunngatillugu inuussutissarsionermik siuarsaaneq pillugu Inatsisartut inatsisaanni nr. 20, 3. december 2012-imeersumi § 6, § 8, imm. 3 aamma § 9, imm. 3 malillugit aalajangersarneqarpoq:

Kapitali 1

Tunisassianik ineriartortitsinermut tapersiisarneq

Tapersiissutip annertussusaa

§ 1. Tunisassianik ineriartortitsinermut aningaasartuutitik utertitsineq, tapersiinissaq pillugu neriorsuutaasumi aalajangersagaasumik procentinngortitamik annertussusilerlugu tunniunneqassaaq. Aningaasartai minnerpaamik 50.000 koruuniutillugit aamma aningaasartai annerpaamik 300.000 koruuniutillugit tapersiissuteqartoqarsinnaavoq.

Neriorsuutaasup sivissusaa

§ 2. Tunisassianik ineriartortitsinermut tapersiissuteqarnissamik neriorsuutaasoq, tunniussinissaq pillugu qinnuteqaammik tunniussinissamut piffissaliussap neriorsuutaasumi aalajangersagaasup naanerani ingerlaannartumik atorunnaassaaq.

Kapitali 2

Ingerlatanut avammut tuniniaanissamik siuarsaataasunut tapersiisarneq

§ 3. Aningaasat ukiumoortumik aningaasanut inatsimmi immikkoortinneqartut iluanni, ingerlatanut avammut tuniniaanissamik siuarsaataasunut tapersiinissaq pillugu neriorsuuteqartoqarsinnaavoq, ilanngullugit avammut tuniniaasarnermut siunnersuisooqatigiinnit, niuertut peqatigiiffannit ilaalu ilanngullugit siunnersorneqarnissamik pisinerit, kiisalu nittarsaassineq. § 6 naapertorlugu.

Imm. 2. Piffissap ukiunik pingasunik sivilissuseqartup iluani, inummut imaluunniit ingerlatseqatigiiffimmut ataatsimut annerpaamik neriorsuutit marluk nalunaarutigineqarsinnaapput.

Tapersiissutip annertussusaa

§ 4. Ingerlatanut avammut tuniniaanissamut siuarsaataasunut aningaasartuutiniq utertitsineq, procentiliussaq tapersiissuteqarnissamik neriorsuutaasumi aalajangersagaasoq malillugu tunniussivigineqassaaq, taamaattorli annerpaamik 50.000 koruuniussalluni. § 6 naapertorlugu.

Neriorsuutaasup sivilissusaa

§ 5. Ingerlatanut avammut tuniniaanissamut siuarsaataasunut tapiissuteqarnissamik neriorsuutaasooq, piffissaliussap neriorsuutaasumi aalajangersagaasup naanerani ingerlaannartumik atorunnaassaaq

Kapitali 3

Kalaallit nerisassiaannik atuinermik siursaanermut tapersiisarneq

§ 6. Aningaasat ukiumoortumik aningaasanut inatsimmi immikkoortinneqartut iluanni, kalaallit nerisassiaannik atuinermik siursaanermut tapersiisinisaaq pillugu neriorsuuteqartoqarsinnaavoq.

Imm. 2. Tapersiisinissamik neriorsuuteqarneq kalaallit nerisassiaannik tunisassianik ineriartortitsinermut nittarsaassinermullu tunniunneqarsinnaavoq.

Imm. 3. Imm. 1 malillugu neriorsuuteqarneq, § 1 aamma § 4 malillugit tapersiisinissamik neriorsuuteqarnermut ataqatigiissinneqarsinnaanngilaq.

Tapersiissutip annertussusaa

§ 7. Kalaallit nerisassiaannik atuinermik siursaanermut aningaasartuutiniq utertitsineq, procentiliussaq tapersiissuteqarnissamik neriorsuutaasumi aalajangersagaasoq malillugu tunniussivigineqassaaq. Aningaasartai minnerpaamik 25.000 koruuniutillugit aammalu aningaasartai annerpaamik 200.000 koruuniutillugit tapersiissuteqartoqarsinnaavoq.

Neriorsuutaasup sivilissusaa

§ 8. tapersiissuteqarnissamik neriorsuutaasooq, piffissaliussap neriorsuutaasumi aalajangersagaasup naanerani ingerlaannartumik atorunnaassaaq.

Kapitali 4

Kittaartagaq – Inuussutissarsiutigalugu siunnersortinit ikiorneqarnissamut tapersiisarneq

§ 9. Piffissap ukiunik pingasunik sivilissuseqartup iluani, inummut imaluunniit ingerlatseqatigiiffimmut ataatsimut inuussutissarsiutigalugu siunnersortinit ikiorneqarnissamut aningaasanik aalajangersimasumik annertussusilinnik tapersiivigineqarnissamut annerpaamik neriorsuutit marluk tunniunneqarsinnaapput.

Tapersiissutip annertussusaa

§ 10. Inuussutissarsiutigalugu siunnersortinit ikiorneqarnermut aningaasartuutiniq utertitsinermi, aningaasartuutit tamakkiisut tunniunneqassapput, taamaattorli suliffeqarfimmik Kalaallit Nunaanni

tuniniaasussamik sullissisussamillu pilersitsinermut tunngatillugu inuussutissarsiutigalugu siunnersortinit ikiorneqarnermut aningaasartuutitut annerpaamik 12.000 koruunit.

Neriorsuutaasup sivilissusaa

§ 11. Inuussutissarsiutigalugu siunnersortinit ikiorneqarnissamut (kittartagaq) neriorsuutaasoq, tunniussinissaq pillugu qinnuteqaammik tunniussinissamut piffissaliussap neriorsuutaasumi aalajangersagaasup naanerani ingerlaannartumik atorunnaassaaq.

Kapitali 5

Aalajangersakkat nalinginnaasut

§ 12. Aningaasartuutit tapersiissutaasup aningaasartaannik tamakkiisunik tunniunneqarnissaannik pisinnaatitaaffiliisut aningaasartuutigineqareersimappata uppersarsarneqarlutillu, tapersiissutaasoq ataatsimoortillugu tunniunneqarsinnaavoq. Aningaasartuutit tapersiissutaasup aningaasartaasa tamakkiisut ilaasa tunniunneqarnissaannik pisinnaatitaaffiliisut aningaasartuutigineqareersimappata uppersarsarneqarlutillu, tapersiissutaasoq ilaannakortumik tunniunneqarsinnaavoq.

Imm. 2. Tapersiissutaasumik tunniussinissamut piumasaqaataavoq, aningaasartuutit neriorsuutaasumi siunertatut allassimasumut toqqaannartumik tunngatinneqarsinnaassasut.

Imm. 3. Tapersiissutaasoq aningaasartuutitut tapersiissuteqarnissaq pillugu neriorsuuteqarneq sioqqullugu aningaasartuutigineqarsimasunut tunniunneqarsinnaanngilaq.

Nalunaaruteqartarneq

§ 13. Tapersiisummik tiguisusaaq uppersarsaatip ilaatut suliaasaq ataatsimoortoq pillugu aammalu aningaasanik atuinnermut tunngatillugu nalunaarusiamik suliaqassaaq.

Imm. 2. Nalunaarusiaq nalunaarusiamut immersugassaaq immersorlugu tunniunneqassaaq aamma kingusinnerpaamik tapersiisummik tunniussinissamut qinnuteqaammut peqatigitillugu nassiunneqassalluni.

Atuutilerfia

§ 14. Nalunaarut manna 18.februaari 2014 atuutilerpoq. Peqatigisaanik atorunnaarsinneqarpoq Takornariartitsisarnermik inuussutissarsiuteqarnermi nunamilu inuussutissarsiuteqarnermi tunisassianik ineriartortitsinermut kiisalu takornariartitsisarnermik inuussutissarsiuteqarnermi taarsigassarsianik allanngortitsisarnermut tapiissuteqartarneq pillugu Namminersornerullutik Oqartussat nalunaarutaat nr. 9, 5. april 2002-meersoq.

Namminersorlulik Oqartussat, ulloq 17. februaari 2014

Jens-Erik Kirkegaard

/

Jørn Skov Nielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut